

-- -- -- ab miser
quantâ laboras in Charybdi!
vix illigatum te triformi

Pegasus expediet Chimera.

Atq; ista quidem Viris bisce doctissimis suggestit fabula sive nar-
ratio de Philomelâ, quamquam etiam alia, & præstantiora forsân,
ex Lusciniâ desumi possint. Ita enim ad aves nos remittit Job (λ),
remittit ipse CHRISTUS (μ), jubens nos ἐμβλέψαι εἰς τὰ πέλαι-
νὰ τῶν ἄντων, ut exinde discamus tum divinam omnipotentiam,
quâ omnia hæc, quæ cernimus (ν), ἐκ τῶν μὴ φαινομένων effecerit,
tum conservationem clementissimam atq; perpetuam, quâ nos e-
tiam quotidie largiter & copiosè conseruet, saturet ac sustentet. A
bobus discimus, præeunte Scripturâ & naturâ, atq; ab ovibus,
quidni etiam ab avibus? Sedulitatem porrò à Luscinia discendam
scribit Ambrosius in Hexaëmero (ξ), dum de hac ave nocturna,
sic enim denominat, ita scribit: Quid autem de Lusciniâ dicam?
quæ pervigil custos cum ova quodam sinu corporis & gremio
fovet, insomnem longæ noctis laborem cantilenæ suavitate
solatur. Ut mihi videatur hæc summa ejus esse intentio, quò
possit non minùs dulcibus modulis quàm fotu corporis ani-
mare in foetûs ova, quæ foveat. Wolfgangus quoq; Franzius,
Theologiæ Doct̃or celeberrimus, in utilissimo illo libro de Historia
Animalium (ο) plura alia de hac ave monuit, quæ apud ipsum,
quum liber in plurimorum hæreat manibus, legi possunt: præsertim
velim, ut futuri studiosi Theologiæ iterum iterumq; relegant & ru-
minent seriam illam admonitionem, quam beatissimus Vir relatio-
ni historica ad Cunradum Gesnerum misse subjunxit. Sed

(λ) c. XII, 7: (μ) Matth. VI, 26: (ν) Ebr. XI, 3: (ξ) lib. V. c. 24. (ο) part. II. c. 26.